



● ENCIK Anwar sedang berucap kepada para peserta rancangan pertukaran itu. — Gambar Berita Minggu.

Belia: Jangan terpengaruh isu-isu lapuk

CHERAS, Sabtu — Para belia diingatkan supaya jangan mudah terpengaruh dengan isu-isu lapuk yang dibangkitkan oleh golongan ahli politik atau mereka yang mempunyai kepentingan sendiri.

Menteri Kebudayaan, Belia dan Sukan, Encik Anwar Ibrahim, ketika merasmikan rancangan pertukaran belia Semenanjung/Sabah/Sarawak tahun ini di Kem Sardon Jubir menyatakan, para belia harus mementingkan kemajuan bangsa seluruhnya dari asyik membincangkan isu-isu lapuk seperti masalah

bahasa, universiti dan peluang-peluang berniaga.

Encik Anwar memberitahu 120 para peserta itu supaya berusaha untuk mengubah sikap masyarakat terhadap kemajuan dan serta memajukan negara.

Cabaran

Kemajuan bangsa, katanya, bergantung pada kemampuan angkatan belia untuk bekerja kuat dan menyambut cabaran dari dasar-dasar Kerajaan.

Belia juga menerug setengah golongan muda yang

sanggup menyatakan bahawa segala dasar baru Kerajaan adalah terlalu cepat.

Golongan ini, menurut Encik Anwar, sepatutnya menyambut cabaran yang dikemukakan oleh golongan tua dalam usaha untuk memajukan negara.

Para belia, tegasnya, tidak seharusnya mempunyai sikap kedaerahan atau berpuak-puak, terutama di Sabah dan Sarawak.

"Kita harus mengetahui apa yang sebenarnya berlaku untuk mengelakkan dari menuntut sesuatu yang boleh menimbulkan

pertelagahan.

"Hal ini ada kalanya berlaku di Sabah dan Sarawak serta Semenanjung."

Encik Anwar menyatakan kepada majlis itu, beliau sering menerima kritikan dan tohmahan melulu ketika menghadiri seminar antarabangsa.

"Ramai profesor di universiti luar negeri yang bertanya sama ada benar masyarakat Cina di Malaysia tidak berpeluang untuk meneruskan pelajaran di institusi tempatan.

"Memang benar ramai pelajar Cina berkelayan tidak dapat memasuki universiti-

universiti tempatan tetapi masalah ini juga dialami oleh pelajar Melayu dan India," jelasnya.

Menteri itu seterusnya menyeru para belia supaya membincangkan segala masalah dengan tenang dan fikirannya luas.

"Walaupun ada perkara yang tidak ditujui, bincanglah dengan ikhlas untuk mencari penyelesaian."
"Jangan takut dikritik atau dihentam. Bis-habisan dalam barang perjumpaan kita harus mendengar dan menerima apa yang dibincangkan dengan terbuka," katanya.